

福建通志



福建通志



福建文志卷六十

集部七

別集類六元

漫吟後稿仙遊林雷龍著道光通志云雷龍字伯雨宋咸淳初鄉薦仙遊寇起逃難北山方應發檄為錄事參軍歷官興化軍通判至元改物以治中署郡事年餘棄去自號清逸處士博通經史天文地理無不貫液

工詩

自家意思集四卷建安劉遵著道光通志云遵字近道與同邑虞詡虞廷

碩毛直方四人齊名月泉吟社分賦春日田園雜興詩近道有句云耕

鋤曉雨有餘地應接東風無暇時吳清翁極賞歎之

陳秋嚴詩集二卷福建陳宜甫著四庫全書總目云陳秋嚴集散見永樂

大典中然不著其名亦不著時代考焦茲國史經籍志有陳宜甫秋嚴

集當即其人而歸里則終無可考集中接劉介臣書詩云幾回夢裏尋

福建文志別集元

君去三尺書來約我歸閩海浪肥春雨過和林沙遠曉雲飛則當為閩

人又有庚辰再隨駕北行一詩庚辰為至元十七年則元世祖時嘗為

侍從又有讀元貞改元詔詩丙申十月扈從晉王領降兵入京朝覲詩

考之元史丙申為元貞一年晉王名囑瑪喇案囑瑪喇改正裕宗長子

天性仁厚御下有恩王府官屬自丙申以下俱請命天子不敢稍專嘗

出鎮北邊叛王永和爾木忽兒今改正等聞其至望風請降至元二

十七年封梁王二十九年改封晉王所云領降兵者應即此事則成宗

時又為晉王僚屬其詩多與盧摯姚燧趙孟頫程鉅夫留夢炎等相倡

和而諸人詩乃罕及之其始末遂不可復詳矣原集集志作一卷然篇

什稍多疑其字畫偶誤今據永樂大典所有者編為二卷其詩大抵源

出元白雖運意遺詞少深刻奇警之致而平正通達語無格礙要自不

失為雅音也

浮邱集一百卷莆田陳紹叔著方域志云紹叔居浮山有外集百卷題曰

浮邱

敖教授文集長樂敖繼公著道光通志云繼公家於吳興趙孟頫嘗從受

業以江浙平章高彥敬薦授信州教授

中齋文集晉江陳信惠著道光通志云信惠字季中號退翁以材能應帥

府辟官惠安縣尹

古直文集南安傅定保著元儒考略云定保字德庵事母至孝大德初用

薦為漳州學正首以大極圖西銘講說聽者悅服號古直先生

黃潛剛文稿一卷莆田黃方子著道光通志云方子字潛剛嘗擢武城學

職僅三載歸

續軒渠集十卷附錄一卷莆田洪希文著四庫全書總目云附錄一卷其

父嚴虎詩也嚴虎字德章號吾圃宋末嘗為教諭希文字汝質號去華

嘗官訓導嚴虎詩名軒渠集故希文集以續名然軒渠集斷爛不存故

摭其遺詩附於卷末舊有希文自序又有至治辛酉至正壬辰癸巳林

福建文志別集元

以順林以扑卓器之南譽等題詞皆在未刻之前不言原編卷數嘉靖

癸巳其七世族孫紹興知府珠請山陰蔡宗宪刊定宗宪序稱刪去一

百三十五首存四百三十五首編為十卷附刻一卷則原集五百七十

首也王鳳靈序則稱詩二卷為七律一百九十一首古詩九十七首絕

句一百首為數不同又皆不及其詞與雜文此本凡詩三百六十九首

詞三十三首雜文十八首與兩序所言皆不符疑傳寫者又有所刊削

也宗宪序謂其以山澤之躍出山澤之語譬諸夏鼎商華采雖若不

足而渾厚朴素之質使望之者知為古器鳳靈序稱其能以質勝不蔽

其情今觀其詩純沿宋格於元末年華縉之風明中葉堂皇之體迥焉

不同故二人之論云爾實則清過激壯亦足落落獨行也惟其以嚴虎

之詩附希文詩末用山谷集後附伐檀集之例以子先父究于義未安

而篇頁無多又不能如伐檀集之自為卷帙可以孤行今特升冠此卷

置希文集之前如石屏集王井蕉唱之例焉前宋樓藏書志云希文自

序云續軒集之作始於天曆戊辰館於海洋書峰方氏也律詩及絕詩古詩長短句五百首希文門人劉宗傳跋云集中夏松一聯云非其種者鋤而去毋使蔓然難以圖語句渾然客中熟食了無詩酒空二月如此時光又一年山谷翫月河漢無雲天萬里溪山不夜月三更雪影則曰功名不建頭顱老日月如馳髀肉生至築城垣淒其死者無歸地羞與仇人共戴天令人痛心切齒石遺室書錄云卷一至卷八詩卷九詞卷十雜文此集為杭州丁氏傳鈔本自序外王鳳靈蔡宗充徐勣諸序頗詳其生平與此集流傳始末林以順云其詣理得意處皆自肺腑流出至於造語鍊字之法頗費工夫卓器之云詩名軒渠集蓋取漢劍子訓笑悅之義翁季枕邊談詩則以僧敲未取一言定焉過曾安幾字來之句授之夜臥三鼓聞書聲則曰有子定知吾事足貧家頗覺此聲佳志喜詩云風露對繁逼諸父雲煙落紙漂羣兒甫議失學難為比珠見趨庭喜可知則知翁之所悅有在矣今觀此集猶信公嚴虎遺詩止二

福建藝文志 別集 元 三 福建通志 卷二五

首又半首及聲翁阿魯威二序李端人墓志銘缺一百皆附後楊仲弘集八卷浦城楊載著四庫全書總目云焦竑經籍志載楊載仲弘集四卷此本八卷不知何人所分元代詩人世推虞楊范揭史稱其文章一以氣為主而於詩尤有法度自其詩出一洗宋季之陋云云蓋宋代詩派凡數變西崑傷於雕琢一變而為元祐之朴雅元祐傷於平易一變而為江西之生新南渡以後江西宗派盛極而衰江湖諸人欲變之而力不勝於是仄徑旁行相率而為增損寒陋宋詩於是掃地矣載生於詩道弊壞之後窮極而變乃復其舊風規雅瞻雍雅有元祐之遺音史之所稱固非溢美故清思不及范梈秀韻不及揭傒斯權奇飛動尤不及虞集而四家並稱終無特色蓋以此也瞿宗古歸田詩話曰楊仲弘以宗陽宮翫月詩得名然他作如風雨五更雞亂叫江湖千里雁相呼挾書萬里朝明子仗劍三年別故鄉窓間夜雨銷銀燭城上春雲壓綠旗空翠說法黃龍聽貝葉繡經白馬歇沈雄典實先叔祖每稱之

長篇如古體行梅梁歌亦皆為時所稱夫人瞿氏余祖姑也嘗以仲弘親筆草稿數紙授予字畫端謹而前後點畫幾盡蓋不苟作如是則載於是事亦以昔吟得之者矣陶宗儀輯耕錄曰虞伯生先生楊仲弘先生同在京日楊先生每言伯生不能作詩處先生載酒請問作詩之法楊先生酒既酣盡為傾倒虞先生遂超悟其理云云竟謂載詩在虞集上則非其實也石遺室書錄云范梈序稱仲弘之天稟曠達氣象宏朗開口論議直視千古每大服廣席占紙命辭放脫橫放盡意所止限方拘拘已獨坦坦眾方紆紆已獨馳駿馬之長坂而無留行故當時好之者雖多而知之者絕少要一代之傑作也祖之望跋云經籍志及漢詞叔所還宋元名家詩集皆云四卷此本從京師借鈔則為八卷范言父序中所謂杜伯原刻諸山中者不知即係此本否也其第六卷次韻陳子仁黃河第一首末二句云多少魚龍爭變化總歸西北會風雲據元詩選注云一作禹聖窮源何日遂片帆西上破層雲是別有一本可知

福建藝文志 別集 元 四 福建通志 卷二五

又元詩選載贈孫思順云天涯相過兩相知對榻清談玉屑霏芳草漫隨愁其長青春不與客同歸薰風池館蛙聲老落日簾櫳燕子飛南浦他年重到日湖山應識謝玄暉注云此詩風雅作趙子昂體要作楊仲弘今此本無之此本第八卷題溫日觀葡萄七截二首題墨竹七截二首元詩選皆合作一首雖不免大同小異而首尾元具其為足本無疑彭元亮詩一卷崇安彭炳著元詩選云炳字元亮留心經學詩做陶柳與海內豪傑遊歷齊秦至都下聞昌平隱者何得之名遠在調由是知名有集一卷其句如明河夜無聲不亭四檐月真不減柴桑愚溪品致也靜方詩集浦城李智貞著安雅堂集有序云余在閩中時聞浦城鄭啟之母李氏聰慧而靜淑能孝於親義於夫又曉藝術以儒學為女師蓋許明離宋文宣之流亞也敗至京師以其母靜方集來余再閱之何其言之倩秀而溫妥也詩曰靜方蓋取坤之文言傳云安雅堂集十三卷莆田陳旅著四庫全書總目云其集見於本傳者十四

卷此本僅十三卷乃其子顯所編有張翥林泉生一序一作於至正九年一作於十一年目次與焦茲經籍志相合始本傳筆誤以三為四歟史稱其文典雅峻潔必求合於古作者不徒以徇世好又稱虞集見所作有我老將休付子斯文之語張翥序亦稱天曆至順間學上虞公以文章擅四方其詩與君特厚君亦得相與薰濡而法度加密蓋紀實也蘇天爵輯元文類其時作者林立而不以序屬諸他人獨以屬旅始亦知其文之足以傳信矣石遺室書錄云另一本共只七卷係鈔本凡詩三卷前有賦二篇文四卷詩惟近虞揭二家眾仲本受業於虞也文亦無支蔓末有林泉生一序鐵琴銅劍樓書曰云此本舊存元槧七卷八卷以下依明刊本鈔補遂成完書致傳是樓書目有元板陳原仲集十三卷此未經闕佚者也元本詩三卷係編年明刻易為分體且原江多漏去已盡失初刻之真矣

覺是先生文集永福林泉生若聞過齋集有敘云國朝自程吳諸公以來福建藝文志別集元

五

福建通志

凡十餘人相繼擅為文章或號簡古或推富麗或稱溫雅或宏肆浩汗或魁壘多奇或敷腴清潤或恬淡淵永莫不各得其趣自成一派若公之文宏健雅肆其敘事明潔類太史公其運意精探類柳子厚其遺辭不滯類蘇子瞻其視國朝諸公固不多讓或與前輩而爭進也昔公嘗與子論古今文章上下予試問曰公乃自比何人公笑曰能為中規乎是雖一時戲笑之言亦其內有所信而不知者前所作文輒以貽予蓄之殆二百首遺亂失去今公家所存僅數十首開以公意則其一二詩凡三百餘篇皆豪宕逸邁其四言益輝輝近古公才氣英邁不易出入下其見諸政事已然而其文亦然

方叔困過稿一卷莆田方潤著元詩選云瀾自少時不娶閉門讀書訓徒自給後至元己卯卒年七十有七平生喜吟詠然不苟作友人樊士寬錄其五言詩若干首其句如咏樂天云以詩為佛事隨地學山居臨平道中云煖容時借酒寒力曉敗棉梅花云香能占夜月春不棄茅簷夜

兩云萬事集雙鬢百年堪幾愁皆從苦吟得之朱澤民曰壯年厭世紛歲暮少知已即其人可知也案彙竹堂書目有方莆陽小集一冊當即此書瀾子叔國莆人居吳

呂之壽詩文集晉江呂椿著開書云椿字之壽從邱鈞臺學貧隱授徒楊敬在文集晉江楊相著道光通志云相孫字敬在在以諸生為泉產直學再補石井書院擢仙遊長泰教諭終漳州教授

圭峰集二卷惠安盧琦著四庫全書總目云琦字希韓號立齋圭峰其所居地鈔本或作圭齋集傳寫誤也至正二年進士授州錄事還永春縣尹改調寧德歷官漕司提舉除平陽州命下而卒徐燾筆補曰圭峰集

福建藝文志別集元

六

福建通志

歲久弗傳近歲惠安莊戶部徵甫蒐而梓之誤入薩都拉詩六十餘首此本為元陳誠中所編明萬曆初邑人朱一龍福州革應舉斥而刻之在井本之前然已多竄入他作如五言古詩春日思遠遊則在陳旅集中又五言律詩中過嶺至崇安送吳甫至揚州題焦山方丈壁秋日池上度關闕宿臺山寺絕頂早發黃河等篇七言古詩中有事居庸關走筆贈孟禮樂陵臺望月夜泊釣臺江南樂江南怨雪山辭崔鍾阻風遊吳山馳駝峰紫陽庵江上聞笛別友寒夜聞笛黯淡灘歌清湖曲海棠曲儒有薩氏子等篇七言律詩中高郵城樓晚望燕將軍出獵寄鶴林長老和王維學海南還韻三衛守索題欄柯石橋登鎮陽龍興寺閣寄察政許可用送僉憲王君實金陵道中再過鍾山萬壽寺等篇其二十二首皆在薩都拉集中至於薩都拉溪行中秋玩月一篇自序稱余乃薩氏子云云班班可考此集乃改題曰儒有薩氏子序末又刪其至元丁丑仲秋書一句尤為顯然作偽不得謂之誤收蓋編緝之時務盈卷

映以誇覓衆之富故眞質涵溶如此也琦官雖不高而列名良吏可不藉詩而傳則以詩論其清詞雅韻亦不在陳旅薩都拉下編錄者校甲爲乙亦非無因矣集又載賦三篇記六篇志銘二篇祭文一篇啓三篇雜著九篇則確出琦作非由假借今刪其詩之妄錄者併其文錄之以存琦之眞焉崇相集有序云存者十五六而古風獨全讀之金石發而星河流也又淙淙然若急澗寒響從之以風雨滿扉四下百怪出而萬壑移何其奇也浙江採輯遺書云公文乃元陳誠中所編爲圭峰集與公之子昂所次爲平陽集欲錢梓而未就者今合而得此案前宋樓藏書志云誠中所編係七卷善本書室藏書志云萬曆己酉金陵所刊有莊輿序後列吳鑑撰墓銘陳忠作哀辭林以順撰本傳孫伯延作後語文雖僅二十四篇確爲琦作也亦園陞牘云持靜齋書目有金侃手鈔本五卷

秋聲集四卷邵武黃鎮成著居易錄云予愛其秋風詩云秋風浙浙生庭
福建藝文志 別集 元 七 福建通志 卷二五

柯蕭蕭木落洞庭波紅樹夕陽蟬噪急白蘋秋水雁來多王孫不歸怨芳草山鬼欲啼牽女蘿兼葭蒼蒼白露下望美人兮將奈何又李仲明秋山小景云家任夕陽三峽口人行秋雨二峰間不知何處眞堪書移得柴門對楚山五曲精廬云歌棹曾窮九曲源枯廬迢遞隱屏前閑尋五曲樵溪上三十六峰秋滿船甚有風調按諡法通考鎮成邵武人至正間謚貞文處士周際園先生序云秋聲集余家藏一帙五言如一徑落紅葉萬山生白雲月色初秋見泉聲徹夜聞曉雨丹林外清霜白雁前厓崩迂客路未落見人家起句如白露下山城秋風一夕生七言如潮依草岸痕初落風拋蒲帆影半開一江風起晚潮上半夜舟行山月高紅樹夕陽蟬噪急白蘋秋水雁來多雖不敢擬唐人海口錢夜江春舊年然比司空表聖之苔龜木魚黃文江之六朝松枝殆相伯仲四庫全書總目云據顧嗣立元詩選稱原本十卷又載有鄭潛序此本僅存四卷又惟鎮成自序一篇而不載潛序似非完帙矣今觀其集大抵邊

幅稍狹氣味稍薄蓋限於才弱之故然近體出以雅潔古體出以醇醒亦復善用其短故格韻楚楚頗得錢郎遺意較元代纖穠之體固超然塵垢之外也閩書稱鎮成至正中築室城南號南田耕舍部使者屢薦之不就似乎高隱之士鄭潛序則稱其有所激而鳴其不平令考集中南田耕舍詩序言賦者率擬之於老農人各有志同林而不相察其弟二首云種田南山下土薄良苗稀稀稗日以長茶蓼塞中畦路逢荷篠人相顧徒嗟咨我欲芟其蕪但念筋力微終焉鮮嘉穀何以奉年穰誰令惡草根亦蒙雨露豈盡無力耕土悠悠興我思則鎮成蓋遭逢亂世有匡時之志而不能行乃有託而逃故詩多憂時感事之語潛序徒以爲恬退之士未足罄所抱矣鐵琴銅劍樓書目作六卷每體一卷雜著一卷有後序跋墓碑兩宋樓善本書室皆作十卷明洪武刊本凡詩六卷文二卷員八卷案鐵琴銅劍樓本兩宋樓本皆有鄭潛序

西陂集十卷連江陳成已著道光通志云成已字無逸以文學薦不就復
福建藝文志 別集 元 八 福建通志 卷二五

以孫許乃避入即龍山
三山稿福州梁益著道光通志云益字友直號庸齋江陰人其自署三山者以其先福州人也
王德輝先生文集十卷莆田王朝著閩書云德輝家甚貧而喜不去邑臨財甚介定見甚力

陳景賜詩文集長樂陳東著夏允彝縣志云東字景賜隱居不迹城市三溪集龍溪林廣發著道光通志云廣發嘗謂陳安卿號北溪高彥先號東溪蔡汝作號南溪因自號三溪

夢觀集五卷晉江釋大圭著四庫全書總目云字恆白姓廖氏至正間居泉州之紫雲寺其集本二十四卷首爲夢法一卷夢偈一卷夢事一卷次爲詩六卷次爲文十五卷所謂夢法夢偈夢事者皆宗門語錄不當列之集中雜文亦多青詞疏引不出釋氏之本名皆無可取惟其詩氣骨磊落無元代纖穠之習亦無宋末江湖蔬蒔之氣吳鑒原序稱其華

實相副詞達而意到不雕鏤而工去纂組而麗屏耘鋤而秀雖朋友推獎之詞然核以所作亦不盡出於溢美蓋石湖劍南之餘風猶存於方以外矣今刪除其夢法等卷並刪除其雜文惟錄古今體詩編爲五卷沙礫既捐精華斯露取長棄短期於不失雅音其三乘宗旨聽釋氏之徒自傳之固不必爲彼法計也節宋樓藏書志云四庫館惟取其詩以卷四爲卷一卷五爲卷二卷六爲卷三卷七爲卷四卷八卷九爲卷五也

聞過齋集八卷閩縣吳海著紅雨樓題跋云吾鄉先輩吳先生朝宗文集八卷整嚴古健一歸於理洪武中王孟敷偁曾編刻行世嘗以是集贈廬陵楊文貞公文貞謂近時閩中之文以吳爲客爲巨擘也孟敷所梓者歲久弗傳此板乃藤山鄭公濬重梓者迄今百二十餘歲板復散失傳者甚少先生之文不絕如綫矣余偶從舊肆得之披讀數四輒興景仰之懷至於答侍制左丞諸書可謂澄之不清消之不濁即稽叔夜莫

福建藝文志 別集 元

九

福建通志 總卷二五

是過也四庫全書總目云史稱其文嚴整典雅一歸諸理又載海嘗言楊器釋老聖道之賊管商申韓治道之賊神官野乘正史之賊支詞體說文章之賊上之人宜勅通經大臣會諸儒定其品目頒之天下民間非此不得輒藏坊肆不得輒鬻云云雖持論少狹非古人兼資博攷之義然其宗旨之正亦於此可見矣其題曰聞過齋者海平生虛懷樂善有規過者欣然立改嘗以聞過名其齋偶因以名其集云鐵琴銅劍樓書目作四卷云是書每卷分上下石遺室書錄云閩中傑作連江人未知何據永陽張惟康序稱其流連光景之辭一不苟爲云

鶴田文集二卷建陽蔣易著課餘偶錄云易字師文前有黃鎮爲元詰序劉彥昂跋其文雖皆投贈應酬而疏通有氣節宋樓藏書志云鶴田集各家書目所無此二卷得之福州書攤尙是明人鈔本有蔣絢臣跋絢臣又手錄劉彥昂哀蔣師文詩二首藍山藍澗挽詩壽詩四章附後北溪集觀海集光澤危德華著金川姚伯和序云予出國子生來宰是邦

得卓行之士一人曰危德華孤介特立隱居北溪以學業教授諸生不求聞達值元季喪亂故其發言興懷悲憤激烈其所以疾奸邪崇節義尊君親上之心炳然著見於言意之表因取其詩集若干卷命其鄉人劉緒編次錄諸泮宮以補一邑之缺典道光通志云千頃堂書目但題危德華詩茲從原序又作明洪武間人以伯和洪武十五年作序時計之也茲從萬姓統譜作元人

福建藝文志 別集 元

十

福建通志 總卷二五

翠屏集四卷古田張以寧著四庫全書總目云是集宣德三年所刊陳璉序稱文集為其子孟晦所編詩集為其門人石光霽所編其孫南雄教官隆復以安南稿續版行世今詩文集總題光霽編次嗣孫德慶州訓導淮續編與序不同未喻其故其文神鋒雋利積之渾渾深厚之氣其詩五言古體意境清逸七言古體亦道遠雅倦緒篇洗交曲等數章稍未脫元季綺縟之習近體皆清新閒有涉於纖仄者如浮生萬古有萬古濁酒一杯復一杯之類偶一見之不為全體之累也明史文苑傳稱以寧在元以翰林侍讀學士知制誥在朝宿儒相繼物故以寧有俊才博學強記擅名於時人呼小張學士云徐泰詩談稱以寧詩高雅俊逸超絕畦畛如翠屏千仞可望而不可躋雖推挹稍過然亦幾乎近似矣

福建藝文志

別集

明一

福建通志

劉田齋文集云制節似柳宏散似韓與蘇閩中錄云明初劉從南京召為侍讀學士使安南卒於官宋景濂序云先生之文豐腴而不流於叢冗雄峭而不失於粗厲清圓而不涉於浮巧委蛇而不病於細碎可謂一代之奇作矣

登州集二十三卷龍溪林弼著四庫全書總目云弼字元凱元至正戊子

進士為漳州路知事明初以儒士修禮樂書授吏部主事官至登州府知府平生著作有梅雪齋稿使安南集是集總名登州蓋彙為一編總題以所經之官也凡詩七卷文十六卷其使安南集宋濂曾為之序稱其文辭爾雅王禕亦嘗贈以詩與之唱酬其墓志為王廉所作稱其詩文皆雄偉軼宕清峻之語爰出塵表蓋明初閩南以明經學古擅名文苑者弼實為之冠也弼又名唐臣以時禁國號名氏遂仍舊名朱彝尊明詩綜云弼初名唐臣閩中錄云閩中詩派唐音者皆稱十子實則唐臣及二藍導其先也

楊訓遠文集建安楊恭叔著恭叔名恭以字行十歲作靈簡南薰賦元

李星浙江知試第一第文叔亦舉第三時號聯璧洪武初除臨寧訓導

藍山集六卷崇安藍仁著四庫全書總目云仁字靜之明史文苑傳附陶

宗儀傳末仁詩規摹唐調而時時流入中晚詩易作是集序稱其和平

雅澹詞意融怡語不彫鍊氣無脂粉出乎性情之正而有太平之風浮

湛里間傲睨林泉有達士之襟懷無騷人之哀怨即屢更患難而心恆

裕如雖推之稍過亦實近之閩中詩派明一代皆祖于子而不知仁兄

弟為之開先明史藝文志載仁集六卷朱彝尊作詩綜時猶及見之今

外間絕少傳本杭世駿言吳焯家有之然吳氏藏書今進入書局者未

見此本其存佚不可知謹從永樂大典中採掇輒得詩五百餘篇仍

釐為六卷以符原目儀顧堂題跋云右大典本誤收藍山詩五十四首

五古之靈鳳扁舟中望長洲田家暮宿田家正月十四日西山感興擬

貧十二首在野暮秋懷鄭居貞西山暮歸秋山懷友暮歸山中宿田家

福建藝文志 別集 明一

望武夷山少年行宿橘山田家懷翁先生風雨不已簡我同志七古之

雲峰秋霽圖高彥敬畫楚江春曉圖水南山房詩題劉商觀奔圖贈魏

士達題清江碧嶂集五律之題武季遠行木圖挽趙子將三首題雲洞

嶺柳陰嶺上賓州九日作題梧夜半藍澗雜詩五首題觀音巖送別陸

陽雪舟秋夕懷武夷舊業九日雨中寄雲松山漫題六首七律之寄郭

郭二山人西山脩竹挽張執中煉師柳城夢草堂玉蟾丹室拜虛白塔

九日西山集七絕之首山行雨中皆藍澗詩也大同路石佛谷過吳

巖五律一首則原本所無考靜之生平蹤跡亦未嘗之大同或他人詩而大典誤收者

藍澗集六卷崇安藍智著四庫全書總目云藍智字諸書皆作明之而永

樂大典獨題性之當時去明初未遠必有所據疑作明之者誤也明史

文苑傳附載陶宗儀傳未智詩清新婉約足以肩隨其兄五言結體高

雅倘然塵外雖雄快不足而清逸有餘七言頓挫瀏亮亦無失唐人知

後與藍山一集可稱二難靜志居詩話謂藍山藍澗集中詩選家互有
多錯殆亦因其格調相近不能猝辨較智集原目已不可考雖其經
籍志所載惟有藍靜之集而藍澗集獨未之及是明之中葉已有散佚
近亦未見傳本故杭世駿榕城詩話曰二藍集閩人無知者集本合刻
吳明經燁嘗於吳門買得藍山集是洪武時刊有蔣易張策二序而藍
澗集究不可購徐惟和輯晉安風雅詩二藍闕焉則此集之亡久矣云
云惟永樂大典各韻中所收尙夥蒐輯哀絢其得古今體三百餘首雖
編什不及藍山集之富而大略已見謹以類編次釐爲六卷儀顧堂題
跋云大典本誤收藍山詩三十五首七古之次韻張氏判別一首五
律之重東雲松問詔乃藍山集時事五首之一次袁縣丞述懷送孟寬
希年入京宿瑞巖寺題徐節婦卷七律之送歐陽士鄂入京鄭居貞別
駕歸閩未久又以明經赴召因敬題春江別意圖次張雲松山行採江
惟志學佛坐解潞州贈詹富之題廖監河行軸招王慎之東林宴集小

福建藝文志 別集 明一

三

福建通志 卷五

輯得白石挽雪舟煉師二首山中書懷題劉椿正桂圖夜雨秋山詩
圖秋宿南山別墅有咸寄贈毛包二山人七絕之風雨山中時景四首
題溫日觀葡萄二首題鄭御史竹木圖題古木蒼崖圖六言題璽字扇
面他如詠白石五古兩漲陰崖瀑下脫瑤台下羣仙鶴駕紛在月天空
水落淨十五字春日山居送京學危提舉奉旨代祀文公祠加封齊國
公中秋有懷陸滕宅秋雨探韻七律三首湘陰舜妃廟五排一首亦
原本所無也

原本藍山藍澗詩集十二卷崇安藍仁藍智著儀顧堂題跋云藍山詩集
六卷前有正統二年丁巳秋八月朔嘉議大夫禮部左侍郎陳璉序洪
武庚辰歲花辰日武東文學西江吉水倪伯文序雲松樵者張策序橘
山真逸蔣易序計詩六百八十餘首藍澗詩集六卷題曰友生程嗣祖
奇遠編集前有至正壬寅冬戊子進士戶部尚書西夏張昶序張策題
張易序計詩五百餘首案兩集明正統以後無重刻本故流傳甚少乾

隆中開四庫館亦無人進呈館臣從永樂大典鈔出若干錄此從明刻
原本鈔出藍山集多得詩一百五十餘首藍澗集多得詩一百五十餘
首較大典本約增三分之一藍山集誤收藍澗詩五十餘首藍澗集誤
收藍山詩三十餘首此非館臣之誤乃永樂大典纂修諸臣草率之故
硯桂緒錄云兩集從其裔孫撤庭大令同年處見之每集分上下卷與
四庫目錄不符得無篇帙遺落尙待蒐補者耶

林舍人詩莆田林廷綱著閩小紀云廷綱洪武初史料給事中嘗侍游江
開殿太祖首倡詩二句曰江開小殿與雲齊梁上新添燕子泥公承旨
足承之曰雉扇曉開紅日近龍衣春濕彩雲低旌旗影裏錦絲竿鉞
門前駢驥嘶羣筆詩成同拜舞太平天子賜詩題又承旨作春江漁父
圖親題於殿壁聞曰浩蕩乾坤一釣徒絲綸終日倚蒹蒲桃花浪暖魚
堪膾桑柘春深酒可酣歲月不知變髯改江湖真與世情疎熊羆不入
君王兆四海於今重帝謫後賜名恆忠

福建藝文志 別集 明一

四

福建通志 卷五

鳴盛集四卷福清林鴻著四庫全書總目云鳴字子羽洪武初以薦授將
樂縣訓導歷官禮部精膳司員外郎年未四十自免歸明初閩中善詩
者有長樂陳亮高廷禮閩縣王恭唐泰鄭定王復周立永福王俾侯官
黃玄而鴻爲之冠號十才子其論詩惟王唐首所作以格調勝是爲晉
安詩派之祖李東陽懷麓堂詩話曰林子羽鳴盛集學唐袁凱在野
集專學杜蓋能極力摹擬不但字面句法併其題目亦效之開卷騷視
宛若舊本然細味之求其流出肺腑卓爾自立者指不能一再屈也是
在弘正之間已有異議故論者謂閩中才情輩出亦云盛矣第晉文一
派流傳未已守林儀部高典籍之論若金科玉條凜不敢犯動爲七律
如出一手是其未流且馴至爲世口實然鴻倡始之時固未嘗不香客
諸雅自協正聲未可以作法於涼遽相詆斥况高棟尙不免庸言鴻則
時饒清韻尤未可不分甲乙一例攢排矣此本爲成化初鴻郡人邵銅
所編然如張紅橋唱和詩詞事之有無不可知卽人才放佚容或有之

狀無存誦本集之理此必銅鑑小說妄增之夢游仙記一首疑亦傳言紅橋之事觀其各目乃襲元稹夢遊春詩可以意會詞亦附之簡末殊為無識葉盛水東日記載銅天順中為御史以言事忤權奸或平生以氣節自勵文章體例非所素嫻歟石遺室書錄云洪武庚申廬陵劉嵩序稱始窺陳拾遺之閨奧而最暇乎開元之盛風若殷璠所論神來氣來情來者莫不兼備雖其天資卓絕心會神融然亦國家氣運之盛馴致然也謹題其集曰鳴盛為之序云紅雨樓題跋云鳴盛集世不多見萬曆初袁景從刻十子詩刪去十之三不無過嚴如賦如詞如記一槩汰之矣今此集為麟後山房刊本前有嘉慶戊辰撫閩使者歸安張師誡序

寶禮先生集十卷龍溪劉駟著四庫全書總目云駟字宗道洪武初徵秀才入試者八千人駟為第一授都御史尋坐事徙滇卒門人私謚愛禮先生故以名集凡文三卷詩二卷中庸說一卷書啓三卷附錄一卷駟

福建藝文志 別集 明一

五

福建通志 卷二五

宗陳淳之學詩文多涉性理略似語錄之體中庸說乃講授口義亦無所發明附錄獨翁行狀紀綱父實與駟平生行實頗具又附趙先生書一首則駟之師趙彥進也浙江採輯遺書云關佛其嚴目佛為泥斯題天善寺詩云若無僧寺塔直是一唐虞

鄭心遠集閩縣鄭愷著愷號心遠其父深雅自成一詩歌馳騁古澹頗似金華吳萊

芹陰清嘯集閩縣林繼著繼英倬孤潔累徵不起自號輪髮先生俞伯莊文集古田俞日強著日強字伯莊居太倉明初以博雅稱自號淵

墨畧

魯鈍集政和丁同著同字彥仁與友人劉毅安孫伯琦張文中李駒夫彈琴賦詩為方外遊案以上四人見道光舊志

耕隱集二卷閩縣鄧定著小草齋詩話云子靜題昭君出獵圖云傳呼莫射南飛雁欲寄平安到漢家一時傳詠以為絕唱然元陸子方昭君詞

云勸君莫射南飛雁欲寄鄉思萬里書已先道及之矣案定洪武間布衣

虞舟集五卷永福王俯著四庫全書總目云俯字孟揚元潮州總管翰之子翰於明初抗節死俯生甫六齡其母教之讀書洪武庚午領鄉薦乞歸養母成祖卽位徵至京師授國史院檢討充永樂大典副總裁後坐解縉黨下獄死俯為閩中十子之一是編乃其詩集前有王汝玉解縉序二篇一題虛舟集序一題王孟揚文集序又有弘治六年桑樸序不言其別有文集蓋當時已失傳矣集末附書評及自述詩各一首俯與解縉友善其才氣學問約略相似卒同被讒譖以死然縉詩頗傷劇直俯詩恬和安雅始為勝之自述稱服聖徽百家窮幽明每遇登高弔古慨然發其悲壯愉樂一寓於文若詩石遺室書錄云解文毅集稱孟揚視功名泊如每有抗白雲之志期在息機與物無競故其集以虛舟名紅雨樓題跋云近年馬用昭選刻十子詩十刪二三蓋與袁景從商

福建藝文志 別集 明一

六

福建通志 卷二五

確去取者較舊本去一百六十三首

義靜齋集十卷侯官王發著案焦氏經籍志閩中十子詩均作王翰林詩集二卷袁字中美閩中文苑小傳云以鄉貢為翰林院修撰善鳴集十卷侯官唐泰著案泰字亨仲洪武甲戌進士授行人官終陝西副使以上二人係十子之二

閩南集關隴集四卷歸來稿隨稿檣庭稿侯官鄭士恆著道光通志云士恆字居貞以字行洪武中舉明經又案閩南關隴諸稿千頃堂書目作鄭恆撰一載懷安人屬洪武朝一注歙縣人屬永樂朝考士恆父潛本歙人而遷於閩故先後互歧如是

石田集三卷長樂陳登著案登字思孝仲進子洪武間以善書薦辟官中書舍人

隆東北窗稿福清林祖著萬曆府志云祖字希述洪武丁丑會試乙榜補國子助教侍經筵歷遷考功司員外郎永樂初考察天下朝觀官有權

貴以故人爲屬不徇其請左遷銅仁通判攜一僕至銅仁無公廨可居遂徒步歸隱於隆東田舍著隆東北窗稿人爭傳之

三復集莆田林圭著莆風清類集云圭初名靖字信玉號信齋洪武中薦辟授寧國教諭永樂間召修大典賜冠帶致仕蘭陔詩話云信齋寧國罷歸舟次江岸見他舟棄病者於岸嘆曰生死未可知奈何棄之命於舟中其人得與同飲食至浦城始資遣之

探微集莆田柯欽著蘭陔詩話云深隱詩源出晚唐其七言如紫泥古塚多春樹白水人家半夕陽空城落木羣鴉噪斜日西風瘦馬行高唱也案欽字叔敬號深隱老人洪武間薦辟

淦川遺稿一卷晉江郭居賢著閩書云居賢弱冠知名博學有奇節以洪武丁卯乙榜授寧武教諭念不得迎養父母不攜孥之官日夜思慕泣下形諸詩聲無非忠孝懇惻之詞道光通志云郭處字居賢以字行

敬所小稿四卷建安蘇境著前宋樓藏書志云洪武中嘗爲閩縣學官陳福建藝文志別集 明一

七

仲述序云古詩如玄酒太羹土鉏瓦缶質而不俚近體律絕如正人端士衮衣危冠樸樸而不陋歌行古詞如山下出泉鏘然有聲聽之無窮等語黃丕烈跋云黃氏俞邵明史藝文志云蘇仲簡敬所小稿四卷各境以字行洪武中訓導今檢是書並未標明卷數而分卷出頭祇有三卷豈有所遺耶抑志誤也

鏡湖清唱四卷閩縣郭塵著紅雨樓題跋云國初吾郡詩人輩出十子而外復有二十餘家有傳有不傳郭塵字敬夫連沒二百餘年無有知者予近得鈔本詩百十篇有挽鳴秋起景哲之作而羅宗讓覺非有和郭敬夫詩敬夫實清世之隱君子也敬夫青鋪嶺絕句云家林想在空濛外一帶螺江隱翠微又有門前湖白與山青分橋空過白湖亭之句其所居當在白湖螺浦之間與鳴秋山人相隣並也予既錄其遺編併爲考其地里付曹君能始援之梓

效蠲集一卷閩縣林枝著紅雨樓書目云校字昌達耽隱不仕自號古平

山人靜志居詩話云閩自十才子外能詩而不與其列者有趙迪景哲林紹淳裕鄭文霽汝霖林敏漢孟陳本叔固及昌達也

邱永錫文集崇安邱錫著案錫字永錫建文已卯舉人預修永樂大典官德閒復預修太宗實錄官終建昌教諭

楊文敏集二十五卷建安楊榮著國庫全書總目云榮當明全盛之日歷事四朝恩禮始終無間故詩文皆雍容平易皆其爲人雖無深湛幽渺之思縱橫馳驟之才足以震耀一世而遂適有度醇實無疵亮節之文所由與山林枯槁者異也與楊士奇同主一代之文柄晚進者遂相摹擬漸流爲庸腐冗長千篇一律物窮則變於是何李崛起倡爲復古之論而士奇榮等遂爲藝林之口實

白雲燕唱集二卷閩縣王恭著四庫全書總目云恭字安中自稱皆山燕者閩中十子之一成祖初以儒士薦修永樂大典授翰林院典典明史

文苑傳附載林鴻傳中其詩凡三集一日鳳臺清嘯乃官翰林以後作福建藝文志別集 明一

福建藝文志別集 明一

八

此集及草澤狂歌則皆未仕以前所作恭沒之後湮晦不傳成化癸卯南京戶部尚書黃錦薦恭遺稿始得此集於吏部郎中長樂黃汝明室因屬汝明編次分爲前後二集卷首有永樂三年林環舊序兼爲三集而作者序中所刻次第以此集爲首知其詩在草澤狂歌以前卷末又有永樂中林蕙諸人所作皆山燕者傳贊辭說則刻成之後續爲增入者也恭與同邑高棟齊名同以布衣徵入翰林然棟出山以後詩應酬潦倒無復清思恭則應官未久投牒還歸述其性情本耽山野此集又作於田居之日故吐言清拔不染俗塵得大歷十子之遺意其格韻遠在棟上當時次第甲乙以棟居第三恭居第四始亦所謂耽居王後者矣課餘續錄云提要稱二卷此則四卷提要稱閩縣人而林環序則以爲長樂

靜齋詩集六卷莆田黃守著天一閣書目云守字約仲以字行號靜齋少博學工詩聲調祖初唐永樂初召天下文學之士寔史館校諸書守以

庠士被命入京修大典書成文皇御西角門親試天馬歌上林曉營二詩提第一遂官翰林典籍遷檢討在翰苑二十年以親老疏求近地教職便祿養除汀州府教授尋卒于官

部齋先生文集十二卷閩縣林誌著天一閣書目云正德庚午晉孫

士昭序云是集曾大父諱德齋先生所著原稿五十卷大父助教公珍藏嘗欲版行願力有未逮至正統八年春巡按御史張處告恐散佚失傳特命四庫掌教先生選錄得三分之一繕梓天台王用盛有序案誌永樂王辰會元榜眼

嘯臺集二十卷木天清氣集十四卷長樂高棟著四庫全書總目云棟一名廷禮字彥恢號漫士永樂間自布衣徵為翰林待詔升典籍明史文苑傳附見林鴻傳中閩中十子之一也其山居時所作名嘯臺集入京後所作名木天清氣集棟嘗選唐詩品彙專王唐音實與閩縣林鴻其間晉安一派沿習既久學者剽竊形似日益庸廓併拘始者受誣屬焉

福建藝文志別集 明一
今觀嘯臺集詩八百首尚稍見風骨至木天清氣集六百六十餘首大率應酬冗長之作清氣之云殆名不副實其初與林鴻齊名日久論定鴻集尚見傳錄而棟集幾於覆誣蓋亦有由矣靜志居詩話云廷禮擬唐如薛稷鍾紹京之雙鉤終下真蹟一等五古如長空一飛雁落日千里至夜色不映水微風忽吹裳街柳雙樹開百里見海色飛雨一峰來微雲度疎竹不失唐人遺韻

宜秋集二卷閩縣周玄著紅雨樓題跋云周徵之為林子羽高足二字又玄永樂間以文學徵授禮部祠祭司員外郎為詩瑰奇悲壯嘗賦揭天

生選刻十子詩僅收徵之六十首又以子羽一絕誤入予近見鈔本宜秋集得古近體及詩餘一百七十餘篇視袁馬二公所取且倍之皆瀟

瀟大雅之音信可傳也徵之與龍門高廷禮 吾合黃頭肩書數千卷止廷禮家讀之無何別去盡棄其書曰已在吾胸中矣類情強記又豈流

輩之所及耶徵之生卒不可考按王孟揚挽徵之詩云早歲擅芳名中年一宦成鶯花平日淚煙月故山情落魄憐中散倡狂阮步兵可憐理玉處芳草悽離生孟揚死於永樂十三年徵之則死於孟揚之先矣案焦氏經籍志作祠部集一卷又案道光通志既有宜秋集閩縣周玄著又有宜秋山堂稿閩縣周紘著閩書云紘永樂間知麗水縣遷禮部員外同閩縣同姓周玄紘音近集同名宜秋同官禮部員外未知是一是二

析山文集六卷閩縣黃澤著案是編為澤五世孫公針所輯前三卷為雜文後三卷乃奏疏也案澤永樂王長進士官浙江右布政使字敷仲林泉清寧集一卷青蘿山樵集一卷長樂林紹著案紹字醇裕詩工五七律郡人王聖王恭薦之不起

鄭毓季詩集泉州鄭毓季著泉州府志云毓季海濱人託於祿命之業人不知其工詩毓季之詩於風得其趣於雅得其體於頌得其質何喬遠

素吟全集長樂方懋著馬鐸撰墓志云先生甫十一斷賦梅花詩云動幹傲山隈蕭然雜草萊不經霜雪後誰識一株梅讀者可以見先生之志矣案懋永樂庚子舉人籍莆田

碎金集閩縣陳景著景永樂乙未探花授修撰與修五經四書性理大全書成以母老乞使養改福州教授

存庵集閩縣陳輝著輝字伯燁永樂乙未進士累官廣東按察副使有清名工詩能書善鼓琴

首所老人書歸田集長樂高淮著淮字泰仲自稱竹所老人永樂丁酉舉人著書三十餘卷解縉馬鐸為之序

福建通志卷一五

滄洲集長樂陳亮著竹窗雜錄云亮字景明洪武間累徵不起集多佚不

傳傳者十之一如微風度荷香露月散林影風生蘆葦鳴水落洲渚廣

沙明日在野林暖風起嶺皆驚句也

鳴秋集二卷作六卷懷安趙迪著四庫全書總目云迪字景哲自號白湖

小隱靜志居詩話謂余憲百家詩以迪為山人徐庸湖海蒼英集載其

元久應制詩徐泰明風雅則云迪宜陽人官吏部侍郎然鳴秋集有景

泰五年迪仲子壯後序中云先人值時多故投老林泉而同時間人均

有輓鳴秋山人詩則二徐所云自是別一人矣是集即其仲子壯所編

前載林誌序稱其古詩不下魏晉而諸作則醇平唐今考其詩古體頗

為薄弱誌說殊誣律詩諧暢差有唐音然亦晉安一派也今案林誌序

云故廬郡林君子羽始倡古詩於閩和之最有聲者僅二三人鳴秋先

生其一也

溪軒稿十二卷補遺一卷莆田林文著四庫全書總目云文字極簡宣德

福建藝文志別集 明一

庚戌進士官至太常寺少卿兼翰林院學士諡襄敏是集詩三卷文二

卷其十一十二兩卷乃附錄諸勅文行狀碑道碑補遺一卷則又其詩

文雜著

涪庵稿莆田方迪著材文俊方齋集云公致政家居與騷人韻士倡和於

松皋荔園閑案迪宣德癸丑進士

夢草集莆田周璋著莆風清韻集周梁石云小溪詩如孤鶴橫空不可捫

摸案璋字大達正統間官吳橋王簿

竹巖詩集一卷文集一卷補遺一卷莆田柯潛著四庫全書總目云潛字

孟時號竹巖景泰辛未進士第一官至詹事府少詹事潛在當時負詞

林宿望流風餘韻蔭映玉堂嘗就後園結清風亭一區手植雙柏數百

年傳為古蹟即所謂柯亭與學士柏者也柏已不存文集傳本甚稀在

嘉靖中曾經刊板然今福建所採進者僅屬鈔本又據康太和序中所

稱記盆魚序愚案等作亦俱未見殆後人妄有刊削彌致散亡今就是

集所存詩文各一卷重為訂正並從鄭岳莆陽文獻鄭王臣莆風清韻

集中錄詩十首又二首為補遺一卷附綴於末以存梗槩其時何李未

出文格未變猶不失明初先王之風焉案干頃堂書目載竹巖集八卷

善本室書目作文集十二卷卷一為疏議序卷二三四五六亦為序卷

七為記卷八為傳卷九為墓表卷十為碑銘卷十一為志銘卷十二為

說贊祭文哀辭書題前題四世從孫維騏編校康太和序云其為詩冲

淡清婉不落畦徑其為文平遠整潔不事浮葩艷藻估風聲牙之習中

閒如陳情疏復郡侯書與夫記盆魚序愚案等作猶見其玉持倫常翊

扶世道挽正風俗

彭惠安集十卷附錄一卷莆田彭韶著四庫全書總目云韶正色立朝

然者舊其文華沿臺閩之體而醇深雅正具有根柢不同於神瘠而貌

腴初名從吾滯臺嘉靖中重刊乃改題此名然據鄭岳原序已有遺稿

散佚之語則似已非其舊本故所收詩僅十餘首如明詩綜載其臨江

福建藝文志別集 明一

詞一篇指斥東里慷慨激烈足起頑懦而此集不載又莆風清韻集載

其詩十五首亦半從他書錄入是掇拾散亡尙多未盡特賴此一編幸

不至於全佚其巡視浙江兼理鹽法憐宦戶之苦繪八圖上進各系以

詩具有元結春陵行鄭俠漁民圖之意鄭岳序云竊嘗評公之文其體

敘詳覈簡潛漢法度整潔類東里其銘贊高古沈鬱視郁離子瀟志

疑或過之案韶天順丁丑進士諡惠安

別本彭惠安公文集七卷附錄一卷彭韶著四庫全書總目云是集乃御

史陳時周所重編已多所刊削非盡精要附錄一卷則楊守陳陳獻章

等贈言及府志傳論也

歲寒堂集莆田楊瓚著蘭陔詩話云宗器歷官清要所居不蔽風雨作歲

寒堂以寓晚節案瓚天順丁丑進士

恥菴集十卷閩縣陳煒著四庫全書總目云煒字文曜別號恥菴天順庚

辰進士官至浙江左布政使詩文非所注意是集乃正德初其從子堉

爲東莞知縣時所刊

東閣文集十三卷續編一卷仙遊鄭紀著四庫全書總目云紀字廷綱別號東閣天順庚辰進士官至南京戶部尙書是集前四卷爲經筵講章及奏議後九卷爲雜文續編一卷凡文二十一一篇則國朝康熙初其九世孫榮英等所續輯也紀入翰林後歸卧屏山讀書二十餘年生平爲文無構思無易稿爲人假去亦不復問門人吳藻稱其文甚類老泉其氣昌其思深其詞正而不阿其辯博而不雜今觀集內所載諸奏疏皆愷摯詳明切中時政諸體文亦多屬有闢世教之言續編內有歸田咨目十條皆覲說以禮法自持

東閣詩集續編八卷鄭紀著四庫全書總目云初紀子至一主敬管編其詩爲十二卷今未見傳本此本乃其少子忠菟輯遺篇故題曰續集集中如古墅斜連江樹淡帆鳥恆傍野人飛橋頭雨歇徑初溜天際雲收山漸多等句亦頗有南宋格然亦止於如此耳

福建藝文志 別集 明一

三

福建通志 卷二五

古崖集四卷仙遊陳鉞著蘭陔詩話云古崖詩清曠微婉五言如流年雙鬢短永夜一燈孤鳥聲蒼樹裏人語白雲中荒村迷古渡落葉滿空山七言如芳鄰有酒頻留飲孤館無書漫借看明時去國幾行泊遠道還家萬里心皆琅然可誦案鉞天順間貢生

陳刺夫集四卷漳州陳真晟著四庫全書總目云真晟字德晦改字刺夫家本泉州以父隸鎮海衛戍籍遂爲漳州人天順中嘗詣闕上書獻所撰程朱正學纂要兼上書執政均不見收又上書當路獻所撰正教正考會通亦不見省而罷又作學校正教文廟配享疏擬詣闕再上未及行而卒是集乃真晟卒後其鄉人林祺所編康熙己丑儀封張伯行官福建巡撫乃爲序而刻之所獻二書今皆載集中次卷載所上當路書曰朱子抱哭其書四百年矣曾無一人憐而省之者此魏鶴山真西山許魯齋吳草廬諸儒不能無大罪也既讀其書宗其道則質吾師也父也豈有視父師之哭而子弟能忍然耶又謂宋元兩朝皆以不用程朱

之學故上干天怒奪其命以與明持論頗僻又題玉堂賞花集後說誤執政諱不實其程朱纂要而羣聚賞花後世不免謂之俗相尤爲福激林華作真晨行實稱其既無所遇每四顧傍徨不能自釋亦異乎尋孔顏之樂者矣

愧齋文粹五卷莆田陳音著馬明衡序云平生所著不下千餘篇後峰黃君伯固嘗即家藏編輯得若干篇其孫須政又即其集錄其要者奏疏序記志銘之類得若干篇題曰愧齋文粹錄梓以傳黃瀾序云成化弘治間累官南京大常寺卿案音天順甲申進士

陳倦飛詩文集仙遊陳遷著蘭陔詩話云倦飛早歲計偕讀書燕邸聞窓外有人語曰讀秦議不讀亦秦議後登第年方強仕遽賦歸來鄭東園以詩勸之仕倦飛答詩云鳩因多甚醉鶴豈近林飢福薄宜安拙不關我倦飛案遷天順甲申進士

未軒文集十二卷莆田黃仲昭著四庫全書總目云是集爲其門人劉節所編凡文六卷詩五卷詞一卷而以碑文墓志銘附之林瀚作墓志稱其文章渾厚典重無艱深聲磽之語鄭岳莆陽文獻傳亦稱其文詞典雅今觀其集雖尚沿當日平實之格而人品既高自無鄙語頗頑於作者之聞正不以坦易爲嫌矣石遺室書錄云仲昭名潛以字行康太和序稱其文雄渾醇雅詩清潤平妥剛風直節見於諫煙火之章史法源流見於序閩中諸志謝天駒評其詩曰下筆甚逸邵康節諸詩儔也朱竹垞曰僉事以詞臣建言宜有嚴肅氣象而詩特和易近人晚居下阜築俱樂亭更號退巖居天一閣書目作十卷云門生廬陵劉玉序稱先生遭文闡理微徵事核模寫窮物象之真吟咏傳性情之正

福建藝文志 別集 明一

兩

福建通志 卷二五

林文安公文集閩縣林瀚著見素齋續集云泉州先生文一根於理氣度暇整動應繩墨如輕繡便體嘉穀之濟實用案瀚成化丙戌進士諡文安

水雲稿金陵稿桐川稿臨川稿閩川稿莆田周瑛著道光通志云此五稿

孟即翠梨類稿瑣白撰家中子塘志有閩川稿無水雲稿當以自撰為據案既云無水雲稿何以首著於錄天一閣書目尚有翠棠續稿一册係鈔本

翠華摘稿七卷補遺一卷周瑛著四庫全書總目云瑛所著詩文集曰翠華類稿此本乃其門人林近龍所選錄故曰摘稿鄭岳撰瑛傳稱其文章渾成雅健詩格調高古瑛亦嘗作絕句云老去歸半滄時人或未知則其自而不在以繁音縟節務諸俗耳矣朱彝尊明詩綜鄭王臣甫風清韻集並載瑛瑛霜操樂府其言怨而不怒足正昌黎之失此集中乃未收之或近龍去取失當誤佚之歟未附說二篇序一篇詩十八首其為一卷乃康熙戊子其七世孫維鑑於家乘中鈔出以補摘稿所遺者然冠以鄭岳所撰傳其八世孫成又於雍正壬子求得瑛自撰志銘補錄於後亦列於題跋之中均垂編次之體張謂作陳獻章行狀稱瑛為獻章門人而成跋力辨其非以二人之集考之蓋始合而終睽者謂與

福建藝文志 別集 明一 五 福建通志 卷五十五

成之說皆各執其一偏明史儒林傳亦稱瑛始與獻章友獻章之學王於靜瑛不然之謂學當以居敬為主云

日蘿山樵集三卷長樂林敏著道光通志云敏字汝學一字漢孟讀書過目成誦詩清新雋永以盛唐為宗屬篇弗就

竹窗小稿一卷連江林景清著紅雨樓題跋云林景清號竹窗津籍州庠

食塵賦五試不第援例入太學成化間授湖廣興國州判官雅善草書

吾鄉自永樂中王太史孟揚工於八法繼孟揚者竹窓也少年遊金陵

與名妓邵玉香狎賦有一清軒詩多豔詞情語手書一卷向藏家謝

在杭喜其風流韻致字法精工從余索去陳汝翔採其詩於晉安逸志

而先生全稿無從得也憶予少時有老學究持先生手稿欲售之先君

因其索價高未之購歷三十餘年偶與友人倪樞古談及柯古乃尋學

究而購之重加裝潢詩雖未甚奇警而書法之妙不減吳興予乃選其

雅馴者錄為一帙

竹溪詩稿六卷莆田魏時敏著林懋揚云竹溪絕句如千載桃花開不盡年年流出武陵溪警策何減王昌齡案時敏字愚仲成弘開邑諸生

槐庭集莆田林垺著垺字本寬成化中布衣蘭陔詩話云槐庭家烏石山下植槐於庭因以自號子孫相繼登第集中如老鶴呼雛芳樹下黃牛

引犢小溪南桑麻短短陰連巷花雨瀟瀟暗入池皆佳句也

貽拙集燕遊倡和錄建安蘇洵著道光通志云洵字景濟善書能染竹石

梅菊成化改元詔藩郡召經明行修之士郡守以洵應薦以疾辭

養閑集建寧李祚著閩書云祚所著有世情勘破只如此好向西窓借一

閒之句

紀行錄陶國錄建安楊互著董天工武夷山志云互正德末同修武夷山

志後以太僕寺少卿乞休自比靖節顏其居曰陶園家互初名晃字恆

欽成化丁酉舉人

見素文集二十八卷奏疏七卷續集十二卷莆田林俊著四庫全書總目

福建藝文志 別集 明一 六 福建通志 卷五十六

云俊字待用成化戊戌進士官至刑部尚書諡貞肅所著詩文張謂序

謂俊致仕之時手編成集者五十餘卷此本兼及其起廢以後所作併

附以遺疏四首與謂序不符蓋已出後人哀輯非俊自編之原本也俊

為文體裁不一大都奇崛博奧不沿襲臺閣之派奏議分兩曹外臺內

臺西征起輔新政秋臺六稿無不委曲詳盡通達事機平生經略此足

見其大凡矣又案王應麟續集序稱俊原有詩集十四卷此本無之別

有西征集凡詩歌二百二篇跋二篇賦一篇書二十二篇祭文二十四

篇序四篇記五篇亦不以詩為一集觀其孫及祖跋稱重梓是書而詩

集尚缺是當時本未同刊故流傳頗渺今仍其原第著錄云石遺室書

錄云天一閣書目止著錄見素詩集十四卷有楊一清李夢陽序楊石

淙評其詩曰詩宗唐杜晚乃出入黃山谷陳無已開初視之若有隱隱

語久而咀嚼悠然有餘味焉今所見有兩本一本文集二十八卷無詩

續集十二卷詩五卷前有四明張琦豐城楊康東川劉春南海張謂諸

公序皆見素同時人大抵稱其父長於奏議如上憲宗皇帝疏劾賈人糾權倖上武宗皇帝疏懇誠割切西蜀奏議委曲詳盡蓋負錄也前集為先生門客范知縣所允所編續集據嘉靖開門人王鳳靈序為起廢後之作序亦稱論妖僧按逆寧平劉冠持詔獄輔新政天下想望風儀云一本文集二十五卷詩集十四卷續集十二卷奏議七卷即在文集中也奏議皆又從字順錄又喜故作鉤棘字句碑志多無名不著里居者皆小村鎮多不知何許人矣

西征集無卷數林俊著四庫全書總目云是集皆其正德四年再起官四川巡撫平定巴變土寇時作故以西征為名凡詩歌一百二篇跋二篇賦一篇書二十三篇祭文二十四篇序四篇記五篇末附戴錦所撰西征集傳述靖亂始末頗詳石遺室書錄云浙江採輯遺書本為見素集七卷西征集一冊七卷未知即奏議否

傳時舉文集南安傅凱著異林云南安傅行人執方使夷域謁夢九鯉湖福建藝文志別集明一

問出使事有孺子歌曰青草流沙六六灣賦識之北至夷王設宴請曰小國有一對語請天使屬之曰黃河躍浪三三曲傅即舉夢語應聲夷王驚服蓋中國有黃河九曲而夷域有流沙三十六灣案凱字時舉成化戊戌進士

蔡文莊集八卷晉江蔡清著四庫全書總目云其集凡有一本一為石崖葛氏所刊即明史藝文志所載五卷之本一即此本乾隆壬戌其族孫廷魁所重刊也自一卷至五卷仍其舊文而重訂其目又搜輯墨蹟遺稿為補遺一卷附以其孫邦駒所集事蹟及志書傳序為附錄二卷集中有與孫九峰書述寧王宸濠謀其不能詩文廷魁序中因反覆辨論歷詆古來文士而以清之詩文為著作之極軌夫文以載道不易之論也然自戰國以下即已歧為二途或以義理傳或以詞藻見如珍錯之於菽粟錦繡之於布帛勢不能偏廢其一故謂清之著作至於講學明道不必以聲偶為詩以雕繪為文此公論也謂文章必以清為正軌而

夢以來作者皆不足以為詩文則主持太過矣廷魁序又稱以家藏密藏善本太極圖說河洛私見三種附焉而此本無之蓋本各自為書故或附載或別行也石遺室書錄云文莊為理學名臣詩近擊壤集文章光明暢達似學朱子無明人故為古奧之習林見素序謂經義趣深理到論策諸作暢達疏爽允矣惟所撰靜菴先生傳專述靜菴死後附其書寫詩文深信不疑似失純儒身分所述詩亦淺腐不工六卷後有附錄二卷前有林俊雷鉉諸人序案清成化甲辰進士

翠峰遺稿惠安莊鵬著案鵬字萬里成化丙午舉人詩文閎麗可嘉經橫穿貫莫窮其辯

一龍文集清流伍晏著筆精云晏詩如草根蛙鼓吹花裏鳥笙歌開階秋掃葉荒徑晚眺蔬隔寺間僧磬微燈認釣舟俱清雋可喜案晏弘治己酉舉人

方嶺肅文集十卷莆田方良永著四庫全書總目云良永字壽卿弘治庚辰進士官至南京刑部尚書諡簡肅是集為河南按察使鄭茂所編隆慶庚午其孫山東布政使攸續刊之良永當正德時歷仕嚴疆皆著主采乞休後廷推屢及輒以養親辭今諸疏俱在集中進退頗為不苟其文信筆揮灑灑不刻意求工而和平坦易不事鉤棘視後來摹擬塗飾之習轉為本色其論劾朱寧一疏慷慨壯烈猶有牽裾折檻之風又常

豫決寧王宸濠反謀後貽書王守仁與論定亂大計及其生平言學則云近世學者出天入神超悟獨到專以心學為言皆聞於象山其妄如此即所為象山者似矣而中實未必然毋亦優孟之為孫叔敖歟其語皆隱刺守仁可謂卓然不附其所好者矣
風雨連橫集一卷莆田陳瓊著百可漫志云子第增知羅田縣時予獲每切因集古詩風雨字句為一十絕將以寄余忽以疾卒予檢其歸囊得其手筆浩然莫禁因錄此肅舒孔懷之慘云案瓊號芝麓居士弘治壬子舉人

寒谷集莆田林有年著蘭陔詩話云寒谷有奇行母歿廬墓為野燒所及忽反風滅火以免為御史日武宗遣使往西域迎生佛寒谷極諫逮繫累年

黃門集七卷閩縣許天錫著靜志居詩話云黃門奉使安南御其賦賦詩云青茅又喜重包貢善政何須滿載歸比歸劉瓊疑其金多不知其不受餽也篇詔逮問潛遣人殺之鄭少谷詩云風流不見許黃門遺字丹青閣上存卻留詩句車盤壁黃憤青山何處村蓋黃門過車盤驛曾題詩壁間有青山對面疑無路黃憤出林知有村之句案天錫弘治癸丑進士

山齋集二十四卷莆田鄭七著四庫全書總目云其所著詩文有蒙難錄西行紀南還錄山齋吟稿漫稿浮稿續稿奏議因雕本焚燬所存不過數種是集乃萬曆中其曾孫炫蒐輯重鈐凡詩七卷文十七卷炫跋謂較視舊集十未能存二三蓋亦幸而不佚也柯維騷續莆陽志稱其所

作詩文俱暢達醒藉朱彝尊明詩綜引謝山子之言亦稱其詩深於調諭之體天性孤介非惟與小人相忤即君子亦不苟合也其文章落落遠俗固亦有由焉案岳字汝華弘治癸丑進士

東林集莆田黃汝顯著蘭陔詩話云東林由廣文遷永淳令心厭簿書會當謁制府歎曰我家穀城山下梅花一白十餘里不以此時歸猶僕僕霜雪中平葉印綬歸案汝顯字純卿弘治乙卯舉人

秋江集永福林庭模著王懋復三幻集云少府秋江公庭模長史小江公煜父子相繼生宦族自束髮固已漸陶於菁華激潤平芳澤加以憑車既早益得肆力於詞章秋江之題東溪如聞垂巖了鈞晴放米家船渡江如晴沙明鳥跡腥水帶蛟涎寄百錄如半榻白雲垂紙帳一簾香雪落崖梅小江之題病僧如榻留雲其宿身與鶴同癡話別如歸騎衝寒雪開心夢野田述懷如紅樹影中閒聽鳥白雲堆裏偶逢僧皆五七言佳境案庭模字和正瀚子閩縣人籍永福弘治戊午舉人

雙湖集長樂謝廷柱著蘭詩傳云字邦用弘治十二年進士歷官湖廣按察使事竹窗筆記云廷柱授評事市貢郭田築室向蓮花峰以長樂所居亦有湖山之勝自稱雙湖居士後人呼其地為謝坪巽

峰湖集莆田陳伯獻著蘭陔詩話云峰湖居諫垣日因疏逆瑾罪削職瑾敗起視學粵西以母老乞終養結茅蓮花峰下游情藝苑文追南豐畫宗摩詰詩品在錢劉之間案伯獻弘治己未進士

刻楮集莆田鄭微著林樾揚云與垣寄籍江右好古吟詩多官韻之音如櫻欄葉上三更雨蟋蟀聲中一點燈佳句未易多得案微弘治間諸生克齋集二卷寧德至漢著案漢字希周弘治開貢生閩書云潘漢兄弟致仕歸構四可亭相與吟詠以自適

小園抱甕錄十卷惠安鄭昭著案昭字養晦有畫木賦何喬遠刻入文獻白石野稿十七卷龍溪林魁著四庫全書總目云魁自號白石山人弘治壬戌進士官至雲南兵備副使是集賦詩詞六卷序記雜言等十卷前

有自序稱平生應酬雜稿毋慮千首審非作家然亦一愚之發也今觀集中如吏部揭帖及與楊一清李東陽諸書頗足覘其學行詩亦俊逸惟其稱心而談之鍛煉之功耳

翠庭集莆田世稿五卷莆田林茂達著蘭陔詩話云嘉靖初莆中耆英七人結逸老會林都憲翠庭年七十五林高士頤晦吳憲副臨淵年俱六十七林御史他石宋大尹友泉年俱六十五林憲副寒谷年六十四鄭侍郎山齋年六十三命工繪為圖山齋作記寒谷題詩云七八四百七十歲真率衣冠皆白須案茂達弘治壬戌進士

石泉集莆田林整著蘭陔詩話云石泉在浙藩日市菜一把人稱菜林昔裴陝守河北食鹽菜稱獨立使君林竹莊守鬱林亦稱鹽菜林清介之操先後一致案整弘治壬戌進士

王一牒父集晉江王宣著林希元序云先生中歲高擢鄉科南宮一跌以養親為辭遂爾卷懷雖朋輩強之不可方之徐孺子蘇雲卿不甚相遠